



Publicaziuns officialas dils 25-01-2019

ELECZIUNS COMMUNALAS 2019

Uffecis politics che crodan en elecziun

Tenor art. 11 dalla constituziun communal han las elecziuns communalas liug 2019. En elecziun crodan ils suandonts posts e mandats politics:

- a) president communal,
- b) geraus,
- c) commembers dalla cumissiun da quen e gestiun,
- d) commembers dalla cumissiun da baghegiar.

Tenor art. 20 dalla lescha da votaziuns ed elecziuns succedan las elecziuns per regla denter igl 1. d'avrel ed ils 15 da zecladur.

Demissiuns

Persunas che seretilan d'in uffeci communal, ston comunicar quei a scret alla suprastanza communal **entochen ils 31 da schaner** (bul postal) digl onn d'elecziuns. Tgi ch'intenziunescha da demissionar ei supplicaus da risguardar il termin sura indicau.

PREAVIS ED INFORMAZIUN

Abdicaziuns

La gliesta cullas persunas che han demissionau vegn publicada a dretg temps el FUS.

Nominaziuns novas

Ufficials che seretilan buca, valan sco proponi. Ils vischinadis e gruppaziuns da silmeins 15 votant(a)s san far nominaziuns da candidat(a)s per scadin post che stat en elecziun. Tuttas propostas per la gliesta officiala ein d'inoltrar en scret all'administraziun communal entochen ils **15 da mars**. Ils corrispundents formulars san vegnir retratgs dalla canzlia. Las candidaturas ston mintgamai cuntener num, prenum, onn da naschienscha, liug e professiun dil nominau.

Sumvitg, 25-01-2019

Suprastanza communal Sumvitg

Alarm d'emprova dallas sirenas

Mesjamna, **ils 6 da fevrer 2019** han ils alarms d'emprova liug. Igl alarm general vegn fatgs allas 13.30 ed allas 13.45 uras ed igl alarm d'aua allas 14.15 ed allas 15.00 uras. Nus supplichein Vus da prender enconuschientscha da quella informaziun.

Sumvitg, 25-01-2019

Suprastanza communal Sumvitg

Damonda da baghegiar

Nr. 02/2019

Datum da publicaziun: 25-01-2019
Patrun: Candinas Gion, 7173 Surrein
Liug e parcella: Clavau Pign, Buschnas; 6450, 6457
Object: differentas ulivaziuns da terren

Nr. 106.1/2017 midada da project
Datum da publicaziun: 25-01-2019
Patrun: Casa Sogn Giusep, 7176 Cumpadials
Liug e parcella: Camon; 2914
Object: Scala da segirtad

Ils profils ein tschentai ed ils plans da construcziun ein deponi tier la canzlia commu-nala. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Annunzias da baghegiar

All'istanza da baghegiar ei sin fundament digl art. 40 dall'ordinaziun davart la planisaziun dil territori dil cantun Grischun (OPTGR) vegniu annunziau suandonts projects:

Nr. 114/2018

Frischknecht Hans e Monica, 7174 Sogn Benedetg; remplazzar las finiastras sin parcella nr. 3906 a Sogn Benedetg-Via sur Val.

Sumvitg, 25-01-2019

Cumissiun da baghegiar

Evaluaziun da structurass agricolas 2018

Era uon succeda la dumbraziun da tiers e la recepziun dallas surfatschas agricolas all'entschatta digl onn 2019. Per la dumbraziun da tiers valan il datum dils 1 da schaner 2019 ed il diember intermediar digl onn 2018.

Las surfatschas vegnan pridass si sur il system Agri – Gis. El territori dalla meglieraziun sto ei vegnir priu si las parzellas dalla nova partiziun. Tut ils purs tschentan ora lur documents sur igl internet. La finiastra ei aviarta naven dils 31. da schaner 2019 entochen ils 14 da fevrer 2019.

Cura che las datas ein activadas ston ils formulars (fegl da menaschi e fegl da muttaziuns dallas surfatschas) vegnir stampai ,suttascrerts e lu dai giu all'administraziun communal ni sil pli tard purtai spersavi ils **13 da fevrer denter las 13.00 e las 17'00 uras** en stanza da sedutas sper canzlia communal.

Per possesurs da praus che han difficultads da tschentar ora lur documents san prender si contact cul gerau d'agricultura Marcus Duff silla numera 079 351 20 96.

Nus supplichein da setener vid quellas directivas e risguardar ils termins fixai.

Sumvitg, 25-01-2019

Departament d'agricultura communal

Serrada via Val Sumvitg

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 25-01-2019

Departament stradal

Nordic Culinaric

Il Surselva Classic ha midau num e secloma da niev Nordic Culinaric.

Cun skis da cuorsa liunga da Trun a Brulf, Fontanivas ni Mustér ed anavos. Ella tecnica classic e skating, senza squetsch da temps. Gudiments culinarics indigens al solver, sper loipa ed allura al gentar. Il proxim Nordic Culinaric ha liug ils **9 da fevrer 2019**. Informaziuns detagliadas ed in formular d'annunzia porscha la pagina d'internet www.nordic-surselva.ch

Das Surselva Classic heisst neu Nordic Culinaric.

Langlaufspass mit Freunden, von Trun nach Brulf, Fontanivas oder Disentis und zurück. Klassisch und Skating, ohne Zeitdruck. Kulinarische Genüsse vor dem Lauf (Frühstück), auf der Loipe und danach beim Mittagessen in Trun. Das nächste Nordic Culinaric findet am **9. Februar 2019** statt. Weitere Informationen und das Anmeldeformular finden Sie auf www.nordic-surselva.ch